



AFRIKAANSE HOËR MEISIESKOOLO
AFRIKAANSE HOËR SEUNSKOOLO



Stroom-op

EERSTE TERMYN

APRIL 1981

Werkswinkel vir Skoleredaksies



Op Vrydagmiddag, 20 Maart het tien Affies, vyf seuns en vyf meisies na Johannesburg afgesit. Die groot trekpleister was nie goud nie, maar 'n werkswinkel vir die redaksies van skoolkoerante. Hierdie kursus word deur die Junior Rapportryerskorps, in samewerking met die departement van kommunikasiekunde van die Randse Afrikaanse Universiteit en die dagblad, Beeld, aangebied.

Die kursus, die jaarlikse hoogtepunt vir skoleredaksies, strek oor 'n tydperk van twee dae.

Met die intrapslag is ons oor die teoretiese sy van die joernalistiek ingelig. Hoofredaksielede van Beeld, het hierdie lesings waargeneem.

Na versings en verdere lesings, het die kursusingangers kans gekry om na die koshuise te gaan. Na 'n smullekker aandete, is hulle na die SAUK geneem.

Baie opgewonde oor die vooruitsig dat hulle die een of ander televisieheld in die gange gaan raakloop, het die leerlinge met die verkenningstog begin.

Die groepie is dikwels geamuseerd aangekyk as hulle met groot oë en uitroepe van verwondering 'n nuwe vertrek betree het.

Die vertreke waar die redigering gedoen word, het hulle soos 'n magneet aangetrek.

Die nuusateljee was een van die hoogtepunte. Gesofistikeerde apparaat en die sinchronisasie daarvan is grootliks vir die sukses van so 'n produksie verantwoordelik.

Hierna het die radio-ateljees aan die beurt gekom. Die leerlinge is onder andere in die "Monitor"-ateljees rondgewys.

Na dié besondere uitstappie is hulle na 'n nóg interessanter afdeling van die wêreld van kommunikasie geneem. Dit was naamlik na die hoofkantoor van Beeld in Johannesburg.

Na 'n praatjie en skyfievertoning oor die koerantbedryf, is hulle na die "fabriek" van die koerant — die drukpers — geneem. Die leerlinge kon sien hoe 'n koerant letterlik voor hul oë groei.

Laataand is hul elk, met 'n vars koerant, wat eers die volgende dag op straat sou verskyn, terug koshuis toe.

Saterdagoggend het die redaksielede onderhoude met personeellede van die RAU gevoer. Hierna het hulle die berigte geskryf wat uiteindelik in hul eie koerantjie gepubliseer sou word.

Dié middag was almal vlytig aan die werk by Beeld se kantore.

Skuins na vyf is die pret gepas afgesluit, toe elkeen hul eie koerantjie, vars van die drukpers, in ontvangs geneem het.

Die drukkersink vloei nou sterker as ooit in die leerlinge se are en hulle is vasbeslote om hulle nie eers deur die drukkersduivel van stryk te laat bring nie!

Affies... Verraaiers?

Hulle sê ons verswak. Hulle sê ons gaan agteruit. Hulle sê daar is nie meer gees nie. Hulle sê ons is net tevrede met tweede en derde plekke. Hulle kritiseer waar en wanneer hulle kan, maar hulle doen niks om dit wat hulle kritiseer te verbeter nie. Hulle is . . . verraaiers!

Waarom beweer Stroom-op dat Affies vandag vol verraaiers is? Affies is vandag 'n goeie skool, maak geen fout nie en Affies doen sy deel op alle gebiede, en sy naam is dwaarsoor Suid-Afrika bekend. Waarom beweer sekere sogenaamde "Affies" dat ons skool besig is om agteruit te gaan? As die kern van enige instansie so voel oor daardie instansie, is dit logies dat die instansie agteruit sal gaan. **Maar die feit bly staan — Affies gaan nie agteruit nie!**

In die verlede het Affies meer interhoër atletiekbyeenkomste gewen as vandag, maar in rugby het Affies ook maar soms verloor en soms gewen. Swem het Affies altyd teen Boys High verloor in die 1950's en eers later jare het Affies se tennis vooruitgegaan. Van die vyf keer wat Affies die Administrateursbeker in rugby gewen het, was een keer slegs

drie jaar gelede. Hoeveel jaar speel Affies nie nou al in die eindronde vir die Administrateursbeker in tennis nie? Hoeveel provinsiale kleurverwerwers liewer Affies nie elke jaar op nie? Hoe ver vorder Affies nie in redenaarskompetisies nie? Hoeveel skole lewer in ses jaar twee Springbokke en drie junior Springbokke in sport op terwyl hul nog op skool is? Hoeveel skole kan spog met dieselfde uitslae as wat Affies die afgelope vyf jaar gehad het? Ek belowe u dat daar min skole, indien enige, is wat hierdie prestasies ewenaar. Sedert vroeër jare het die aantal onderskeidings en akademiese prestasies net toegeneem en nie afgeneem nie (Gaan kyk maar na die ererolle). Die feit bly staan dat Affies sy merk maak op elke gebied moontlik.

As Affies se prestasies ontleed word, sal gesien word dat in die meeste sportsoorte of ander aktiwiteite, Affies altyd ver vorder in die

ligas of kompetisies en al wen ons nie altyd nie, behaal ons meestal 'n tweede of derde plek. Hoe kan daar dan mense wees wat sê dat Affies agteruitgaan? Oor die algemeen gesien vaar Affies aan alles wat hy deelneem gemiddeld beter as enige ander skool. Affies is 'n skool wat beter presteer as wat hy behoort te presteer en daarom moet ons tevrede wees met wat ons kry en nie kla omdat dit te min is en dan niks daaraan doen nie, maar ons móet ook strew om nóg beter te vaar. Dit sal egter nooit gebeur as ons nie eens tevrede is met al ons prestasies nie en kla oor 'n tweede plek in baie dinge terwyl sekere skole 'n eerste plek in een ding kry en 'n laaste plek in 'n ander. Ons moet aanvaar dat ons nie altyd kan wen nie, maar ons moet tevrede wees as ons nie alles kan wen nie, en dan nog streef om altyd beter te doen, sonder om altyd terug te kyk.

Vanjaar se gees was lanklaar so goed, danksy die matrieks. Op die oomblik dra die matrieks die skool sonder die res van die hele skool se hulp kan hulle nie berge versit nie. Affies, die matrieks vra julle, die matrieks beveel julle, hulle eis dit van julle dat julle as Affies hulle sal help om hierdie skool te dra, ook volgende jaar as hulle nie meer daar is nie, om van hierdie skool, die beste in die land, die beste in die wêreld te maak. Kom "boys", saam met die meisies kán ons en sál ons die ander wys wat in ons steek, maar as ons nie elke keer wen nie, gaan ons nie op 'n hoop sit en sê: "Affies gaan agteruit nie", maar ons gaan dit aanvaar as deel van die lewe, vorentoe kyk en die toekoms met moed tegemoet storm, om elke keer bo uit te kom.

Affies, jy is die kern van ons volk, jy is die simbool van Afrikaans en die Afrikaner, jy is die skool met die grootste Afrikanertradisie in die land, jy is die skool wat ander laat bewe, jy is die skool wat almal beny, jy is dit wat elke Affie laat trots voel, jy is die opvoeder van duisende mense en baie geslaagte, jy is dié skool in Pretoria, jy is "dié" skool in transvaal, jy is dié skool in Suid-Afrika, jy is dié skool in dié wêreld! Affies, jy is bo, en bo sal jy bly!

MY EN JOU SA VAN MÔRE? DR FLIP SMIT

Dr Flip Smit maak die stelling dat uit 24 miljoen mense in die huidige Suid-Afrika, slegs 18%, d.w.s. 4½ miljoen, Blank is. Ten opsigte van die huidige groei koers sal die Blanke teen die jaar 2000 slegs 12% van dié bevolking uitmaak. En steeds in die tendens dat Blanke skole leer word, trouens daar is meer Nie-Blankes op skoolbanke as die hele Blanke bevolking van Suid-Afrika. Die Blanke matrikuleringsyfer is gelyk aan die van die Nie-Blanke.

Op die oomblik word die Blanke deur wette beskerm, maar hoe gaan die Blanke hom self handhaaf in die toekoms? Dr Smit gee 'n paar oplossings:

1. Hy sê eerstens dat die draer van die Afrikaanse Taal suiwer gehou sal moet word. Bereidwilligheid om te deel is egter noodsaaklik — hy wat nie deel nie, verloor alles.

2. Hy noem dat 'n konsolidasie in gronddeelnames belangrik is. Hierin sal arbeidsbronne en waterbronne gedeel moet word.

3. Hy onderskryf wedersydse respek teenoor mede Suid-Afrikansers veral ten opsigte van kultuurverskille

om sodoende menseverhoudinge te verbeter.

4. Die Blanke moet geloof behou. God het 'n taak in Suid-Afrika beskik en sal ons nie onnodig kruppel maak nie.

Dr Smit sluit af: Ek vrees nie die toekoms nie. Ek plant bome omdat ek in die koelte wil sit en my kinders die vrugte wil laat pluk. Soos in die gelykenis van "die Saaier" sal sommige saad op die harde grond van bevooroordeelings val, tussen distels van kwaadwilligheid, maar daar is goeie gesindhede en hierdie deel vna die saad sal honderdvoudige oeste lewer!



Prefektekomitees

Besied deur mej Holtzhausen en mev Baardman het die prefekte van 1981 'n spiksplinternuwe indeling gekry. Benewens hul ander pligte, word die prefekte nou in komitees verdeel. Dié onderskeie komitees het hul eie funksies en mikpunte.

Die prefekteraad bly soos voorheen bestaan. Hul funksie is om leerlinge wat herhaaldelik oortree uit te roep en te vermaan. Dié raad bestaan uit die hoofprefek, Hannelise Brand, die twee vise-hoofprefekte — Nerene van Rooyen en Magda Viljoen en nog twee prefekte: Susan Nel en Randu Burden.

Die dissiplinêr-en-welsynkomitee is verantwoordelik vir projekte vir liefdadigheid en ekstra dissipline in die skool. Die lede is Susan Nel, voorsitster, Isabel, Truda, Alet, Ichte, Nerina, Solet en Amette.

Die verfraaiing van die skool, voorsiening van blomme, opruiming van terrein is die verantwoordelikheid van die Omgewing en Blommekomitee. Hier doen Estha, voorsitster, Randu, Karen Nel, Marianne M, Lize, Gisela, Annemarie, Christané en marianne Osterhoff hul deel.

Die finansiële komitee behartig die finansies van die prefekte, wat vir

liefdadigheid ens aangewend word. Zelda is die knap voorsitster met Cheryl, Carlien, Marguerite, Mariana en Madelein as lede.

Ons kultuurlewe word bevorder deur die lede van die kultuurkomitee. Louise is die voorsitster, met Susan Barnard en Solet as lede.

Ons sportiewe prefekte van die Sportkomitee sien toe dat alles glad verloop met sportbeoefening. Marieke, ons kranige swemster is voorsitster, met Marianne Osterhoff, Jeanné en Elnemarie as lede.

Corla Wolmarans staan aan die hoof van die Vervoerkomitee wat vervoer reël vir belangrike sport- en kulturele byeenkomste. Haar medelede is Corné Kilian, Hanlie en Lidia.

Met hierdie nuwe tradisie wat ingestel is, poog die prefekte om 'n sterk prefektekorp op te bou om Affies te rigsoer.

Redaksioneel

Heil die Affies!
Ja, ja, Affies!!
Affies die eerste!
Affies gevreesde!!
Waarom sê die wêreld so?
Afrikaans bly altyd bo!!

Wanneer 'n mens so vroeg in die jaar al met trots en tevredenheid kan terugkyk op ons skoolaktiwiteite wat reeds plaasgevind het, kan 'n mens nie anders as om te besef dat daar gróóte dinge vir Affies voor die deur lê nie. Dan dink 'n mens onwillekeurig terug aan die puik gees en feesatmosfeer wat op die pawiljoen die botoon gevoer het wanneer die Affies dit betrek het om ons puik atlete toe te juig en toe te sing, veral tydens Interhoër. Die onderlinge samewerking tussen die seuns en meisies waarmee ons opnuut by Pilditch kennis gemaak het, skep hoë verwagtinge en goeie vooruitsigte vir die toekoms. Met so 'n eenheid as basis kan dit nie anders as om goed met Affies te gaan nie.

Ek dink ons kan voorwaar met selfversekering en trotse afwagting ons skool se prestasies in die komende termyn dophou, veral met die oog op die naderende rugbyseisoen.

Kom ons staan saam en gee betekenis, waarde en gesag aan die woorde van ons kreet deur met ons daad dit uit te bou. Dan, en dan alleen, sal Affies steeds die beste bly.

Redaksioneel

Ja, ons verloor toe, maar ek sien haar wen!" Hierdie wyse woorde, uit die mond van 'n wyse vader het mej Holzhausen kort na die Interhoërbyeenkoms begroet.

Wat die wyse vader waarskynlik hiermee bedoel het, is dat alhoewel ons swak gevaar het in die atletiekafdeling, ons die eerste plek in die toeskouercompetisie ingepalm het. Waarom het ons so swak gevaar in

die atletiek? Waarskynlik weens die powere belangstelling wat daar deesdae in alle skoolaktiwiteite te bespeur is.

Dis nou tyd dat ons op ons jarelange tradisie moet voortbou — en dit nie afbreek nie! Dié onbetrokkenheid moet hok geslaan word. Kom nou Affies, maak volgende jaar geskiedenis en verlaat Pilditch met al die trofee.

Elna van Niekerk (Redaktrise)



'n Kykie in die toekoms

MET bewondering kyk ek na die ruim pawiljoen met die blou en groen raamwerk. In die gloed van die middagson sien ek die swart, nuutgeverfde nommers op die spierwit sitplekke. Ek sit my spykerskoene op die onderste trappe van die pawiljoen neer, en ek wonder of die seuns al die apparaat uitgedra het. Skielik bulder die stem van mnr Fraser: "Kom julle lamsakke, die Afrikaanse Hoër atletiekspan beter begin opwarm!" A, dink ek, ek hoop Jaco is vandag hier, hy het my

belowe hy sal vir my 'n prent bring van Reinard Schiel in aksie. Ek begin draf saam met die ander draf. Dis óns veld hierdie, groei die besef in my, en óns span, al veertig meisies en veertig seuns, en met nuwe opwinding weet ek: Affies gaan Menlopark uit die aarde uit hol. Terwyl ons heerlik met mekaar gekseker, dink ek met dankbaarheid terug aan 'n keerpunt, lank gelede, 25 Februarie 1981 . . .

'n A.H.M.-idealis



Stroom-op: Redaksie 1981

Redakteur: Gey van Pittius
Sub-Redakteur: Stefan Nell
Kultuur: Roelf du Plessis
Gerduan de Munnik
Sport: Emil Kuschke
Chris van der Merwe
Advertensies: Deon du Preez
Mel Mentz
Foto's: Corné Botha
Coenraad Olivier
Addisioneel: Marius Coetzee
Willie Koen



Affies en die rampfonds

MEJ HOLTZHAUSEN het namens die personeel en leerlinge van die Afrikaanse Hoër Meisieskool 'n tjek ten bate van die Rampfonds aan mev Rina Venter oorhandig.

Mev Rina Venter is die presidente van die SAFV. Na die oorhandiging het sy iets meer oor die SAFV vertel.

Mej Holtzhausen was baie in haar skik omdat mev Venter in 'n sekere sin ook 'n Oos-Vrystater is, terwyl

Affies, veral die juniors, die volgende nuus gretig aangehoor nie: Ja, waarlik! Sy het 'n seun in st 8 in die Seunskool. Die jongheer Venter sal in sy spoor moet trap, of hoe?



HIERMEE wil die Stroom-op redaksie graag vir mej Hönck baie gelukwens met haar aanwysing as een van die 160 geakkrediteerde onderwysers(-esse) in Transvaal. Ons is trots op u!

Affie-seuns skaam vir Affie-meisies?

Ja! Dis definitief die geval! Kyk net wat het op Interhoër gebeur!! Afrikaanse Hoër Seunskool, het die tweede plek behaal en Afrikaanse Hoër Meisieskool het . . . die seuns "afgetrek" na 'n powere sesde plek. Dis gewis 'n skande en ons sal iets hieraan móet doen.

begin oefen om volgende jaar fikste te wees en opdaag by die oefeninge!

Daar was hierdie jaar soms meer onderwyseresse teenwoordig by die oefeninge as dogters (persentasiegewys) en dit is nogal tragedie, nie waar nie?

Daar is niks fisies met ons meisies verkeerd nie en as ons wil, kan ons AFFIES weer die skool maak wat dit was!

Ivette Kruger 10D)



Sien ek haar wen?

DIE skoot klap . . . vir 'n oomblik is daar stilte . . . die atlete trek weg. Spykerskoene klap op die tartanbaan. 'n Vae druising is in jou are terwyl jy inasem — en uitasem. Érens hoor jy: "Affies, Affies, Affies . . ." "Jou asem brand . . . jy probeer hardloop tot ver bokant die sterre. Uiteindelik is die atlete by die 300-meter merk. Elke spier in jou liggaam werk saam. Die moordende, vinnige pas op die reguit pylvak nader. Jou bene voel lam, jy het lankal vergeet wat is asem. Al wat jy weet, is dat jy uitsak. Jou moed breek byna as die 100m — pylvak voor jou lê, en jy is heel agter. Jy het géén asem meer nie, géén enkele stukkie krag nie, geen stukkie moed meer nie, net 'n wil.

Stadigaan begin jou bene outomaties beweeg. Al vinniger en vinniger en jy word gedra deur "Affies, Affies, Affies . . ." Jy is nie laaste nie, maar nie eerste nie, en so tussendeur die pyn en die snakke na asem wonder jy: "Sien julle haar wen?"

Ons kan praat en praat maar dit moenie by woorde bly nie. Iets moet daaraan gedoen word deur ELKE meisie. Nie net die wat aan alles deelneem en oral is nie, maar ALMAL.

Wat van 'n winteroefenprogram? Ons moet nou al

WEDSTRYD

Reëls:

- 1) Voltooi die onderstaande vormpie met al die antwoorde
- 2) Plaas die vormpie in 'n koevert met 20c inskrywingsgeld
- 3) Skryf bo-op "Vir jou Juffrou"-Wedstryd.
- 4) Handig die koevert in by mev Louw in kamer 20
- 5) Die inskrywings moenie later as 1 Mei 1981 ingehandig word nie.
- 6) Die wenner van die gelukkige boek, nl. "Vir jou Juffrou" sal op Maandag 4 Mei 1981 aangekondig word!

Knip uit

Naam: _____

Ouderdom: _____

Standaard: _____

Antwoord die volgende vra:

1) Wie is die skryfster van die boek "Vir jou Juffrou?" _____

2) Hoekom neem jy deel aan die wedstryd? _____
(Nie meer as 20 woorde nie)

3) Dink jy dit is die moeite werd om so 'n boek te kan besit? _____

KULTUUR

Amajuba fees

Vyf Affies was bevoorreg om die naweek van 27 - 28 Februarie die Amajubafees te Volksrust by te woon. Ons is vergesel deur mnr en mev Edwards. Ons het tuisgegaan in die tentdorp wat aan die voet van Amajuba afgerig is. Vrydagoggend na 'n heerlike braaivleis, het ons die verrigtinge in die amfiteater bygewoon. Die berg Amajuba is o a deur ligte vir die publiek verlig om die hele slag uit te beeld. Na 'n heerlike koppkoffie, het ons bedwaarts gekeer.

Vroeg die volgende oggend, nadat ons koue hamburgers as ontbyt genuttig het, het ons die berg bestyg. Soos die burger 100 jaar vantevore. Ons het al die geskiedkundige plekke op die berg besigtig. Ons was dan ook toeskouers tot Sy Edele die Staatspresident, mnr Marais Viljoen, 'n gedenkplaat wat die hele slag uitgebeeld het, onthul het.

Die Middag het ons met die skool se vaandel in 'n vaandeloptog deelgeneem. Die agtermekaar nouentjies van die Oranje-Hoër Meisieskool in Bloemfontein het die nodige

geselskap verskaf. Na die optog het ons 'n paar aandenkings gekoop.

Ongeveer vier-uur het ons die terugpad huis toe aangepak. Ons het egter eers 'n draai by O Neal's Cottage gemaak. Daarna het ons aandete genuttig, en ongeveer 22h30 het ons moeg maar tevrede in Pretoria aangekom, ons gedagtes nog vol van die merkwaardige gebeure. Weer eens wil ons net vir mnr en mev Edwards hartlik bedank vir 'n fees van 'n naweek.

Noord-Transvaalse Jeugorkes

Die Noord-Transvaalse Jeugorkes het weer eens 'n nuwe jaar van musiekmaak betree.

Onder leiding van die bekwame dirigent, Majoor Naudé Burger, behoort die orkes weer groot hoogtes te bereik.

Majoor Burger, wat vroeër aan die Onderwyskollege van Pretoria verbode was, is nou in die diens van die Suid-Afrikaanse Leer en wel by die Leerorkes.

Affies het weer sy kant gebring en daar is tans 11 Affies in die orkes. Dit is die 4e agtereenvolgende jaar die grootste verteenwoordigende

groep uit die skole in Pretoria en Noord-Transvaal. Voorwaar 'n puik prestasie.

Die orkes beplan ook om later vanjaar in die nuwe Staatsteater in Pretoria op te tree en snags word reeds hard geoefen aan werke van Mozart, Schubert, Bizet, Weber en andere.

Stroom op wens die Noord-Transvaalse Jeugorkes alle voorspoed toe vir die res van die seisoen. Mag hulle nog vele hoogtepunte bereik!!

Engelse Debat

Op Vrydagaand 6 Maart is 'n baie interessante debat by die Seunskool gehou. Die tema was "Equal Rights for Women."

Twee panele sprekers moes die tema bespreek. Die matriekpaneel het bestaan uit Paul-Constant Smit, Gerduan de Munnik en Gerrie Nel. Hulle was teen gelyke regte vir vroue.

Teenoor hulle was die juniorpaneel

wat bestaan het uit Francois Theron, Evan Scoombie en Frans Cronjé.

Al ses die sprekers het baie goeie toesprake gelewer en die gehoor het probleme onervind om die voor- en nadele van die tema teen mekaar op te weeg ten einde 'n oplossing te vind.

Deur middel van subtiel indoktrinasië en sielkundige afbreking van die teenstanders het die matriekpaneel uiteindelik geseëvier. 'n Heftige vloerbespreking het ook plaasgevind en lede van die teenoorgestelde geslag het ook hulle gedagtes uitgespreek. Selfs standerd sesse het aan die vloerbespreking deelgeneem.

Om die aand 'n bietjie op te helder, is musiekiteas gelewer deur Evan Scoombie en Gerduan de Munnik.

Affies wil graag vir Roelof du Plessis, die debatsvereniging, al die sprekers en deelnemers hartlik bedank vir die uiters leersame en interessante debat.

DIE BALLADE VAN 'N Matriek

2 arms ek 2 bene en

dis ek

tot in my siel

moeg

dis ek

more volg op gister en vandag
alles is dieselfde
nes ek

Afrikaanse Debat: Vrydag 7 Februarie

Op Vrydagaand die sewende Februarie het die Afrikaanse Debatsbestuur 'n proefneming gedoen. Hulle wou dit debat so letwat anders maak.

Die onderwerp was: Het moord, dood en grutonele in die media 'n invloed op die persentasie misdade wat in S.A. gepleeg word? Eers was daar twee inleidende toesprake om die verskillende standpunte uit te lig.

Daarna is daar 'n gedeelte van 'n film gewys waarna die twee spanne dan die oplossing van die komplot in die Film moes gee.

Die twee spanne het bestaan uit 'n matriek- en 'n standerd 9-span, wat teen mekaar meeding het.

Die film is "begelei" deur meisiesstemme wat almal 'n hoë C probeer bereik het. Onderwyl die meisies in hulle kompetisie betrokke was, moes die spanne die film probeer verstaan en terselfdertyd ook nog die komplot in die film oplos.

Toe pouse aanbreek, het daar 'n merkbaar sug van verligting deur die gehoor gegaan. Gedurende pouse is daar druk aan die oplossing gewerk. Verskeie oplossings het aan die lig gekom, maar het weer platgeval weens onvoldoende bewyse. Uiteindelik, gewapen met wat elke span beskou het as die regte oplossing, het hulle weer hulle plekke ingeneem.

Nadat die verskillende oplossings aan die gehoor voorgelê is, is die res van die film gewys. Beide oplossing was in 'n groot mate korrek gewees. Hierna is daar tot stemming oorgegaan en met 'n oorweldigende meerderheid is besluit dat die media nie 'n merkwaardige rol speel in die persentasie misdade in S.A. het nie.

Leierskursus te AHM, 16 - 17 Januarie

Wat 'n aangename, leersame en interessante leierskursus was dit nie wat op 16 en 17 Januarie deur die prefekte, klaskapiteins en ander kapiteins van die meisie- en seunskool bygewoon is.

Na die openingsgebed en 'n klavierduet twee leerlinge het Hannelise almal op haar pittige manier verwelkom. Prof P G Nel van UP het die woord gevoer oor: "Het die geskiedenis nog 'n plek in die toekoms van Suid-Afrika?"

'n Mens het tot die gevolgtrekking gekom dat geskiedenis wel 'n baie belangrike rol speel in die toekoms van ons land. Prof Nel het die voorbeeld geneem van 'n ketting waarvan al die skakels in mekaar skakel. Sodra een deel van die

geskiedenis ontbreek, is daar 'n swak plek in die geskiedenis en veral toekoms van ons land. Hy het 'n baie interessante uitgangspunt gehad.

Vroeg die Saterdagoggend is wereld- en landsprobleme deur groepe van tien kursusgangers elk, bespreek en ontleed. Voorbeelde hiervan was: die stryd om die gees van die mens, volker-verhoudings in Suid-Afrika, Ekonomie van die Republiek van Suid-Afrika, Leiers het nie meer voeling met die volk nie.

antwoorde wat gegee is was byvoorbeeld dat die hedendaagse mens te gemaklik lewe en 'n gebrek aan deurstellingsvermoë het. Oor volker-verhoudings is daar gesê dat elke rassegroep wil heers en dat botsings ontstaan as gevolg van verskillende kulture en ontwikkelingspyl.

Hierdie besprekings was onder leiding van ds Strauss, mnr Chris Fisser en mnr Johan Geertsema.

Na 'n welverdiende verposing was dr Flip Smit van die RGN aan die woord oor: "Staple tot sinvolle oorlewing in Suid-Afrika".

Die afsluiting het om halftwaalf plaasgevind en moeg maar verryk is die kursusgangers huis toe.

Truk besoek die Meisieskool

Op 'n trietsige, blouselblou Maandagoggend het Truk se operagroep die meisies kom verras. vier sangers, waaronder George Kok, het op komiese wyse uittreksels uit operas en operettes opgevoer.

Yvonne Joubert het hulle meesterlik op die klavier begelei.

Kenossie wou natuurlik met sy wit lyf die kalklig van die swartgeklede g geselskap wegsteel. Daar is egter pittige opmerkings oor hom gemaak en hy het met 'n laaste krap aan sy oor die verhoog verlaat.

Hannelise is ook nie met rus gelaat nie. Sy het aan die laaste gedeelte van die program deelgeneem en kon haar oë skaars van haar medespelers se lense aantreklikheid weghou. Veral sy oë het haar hart vinniger laat klop!

Dankie Truk, ons sien uit na jul volgende besoek!



INTERHOËR 1981

Uiteindelik breek Woensdag aan. Dit kriewel, lag en almal praat gelyk voor die saal. Twaalf busse wag vir die AFFIES om hul na Pilditch te neem. Die dae van treiny is verby en die meeste van ons voel ontvrede, maar die busrit is net so opwindend. Die AFFIES maak die beste van die slegte saak.

Die atlete het vroeg-vroeg al vertrek en neem al deel. Kort-kort kyk hulle na die hek of daar nie dalk al 'n bus vol blouses aangekom het nie. Ons kort hulle ondersteuning en ons weet sommer hulle gaan dit vir ons gee! Het hulle nie!!!

Die eerste bestelling blouses het aangekom en hulle begin die pawiljoen vol te pak. Nog 'n bus en nog een en nog een. Ons begin twyfel of daar genoeg plek op die pawiljoen gaan wees, maar ons het ons massa oorskot - almal pas in. Ons sit tussen Menlopark en Verwoerdburg, en dit spoor ons net meer aan om vir hulle te wys wie ons is. Menlopark se 1 800 leerlinge sit bankvas tot die heel eerste teepouse, maar teen die laaste teepouse . . .!

Die atlete lewer hulle beste. Salomé Klopper breek die 0/13 gewigstoot rekord, en I. Klopper kwalifiseer vir N. Tvl. proewe, asook (1) S. Klopper, (2) J. Malherbe (3) A. Nel (4) E van Zyl (5) N du Toit (6) E du Pries en (7) M du Plessis.

Die son begin al hoe skerp en warmer word, maar 'n wit hoedjie is op elke AFFIE se kop. Hulle sal maklik deurgaen vir Tafelberg se wit kledjie. - En toe! - die dirigente!! Die AFFIES kry 'n tweede asem! Die dirigente vertoon puik en oorskadu die ander dirigente by ver.

Die blou skaar rys soos een vrou omhoog as een van ons makers presteer. Die stryd op die baan is hewig en die inspanning wys rooi op

die gesigte, die oë strak van vasberadenheid. Hier val 'n atleet en daar begewe een se moed hom maar met een blik na die aansporende AFFIES kry jy nuwe moed.

Elke skool kry 'n kans om hul skoollied te sing. Toe MEISIES HOËR opstaan met hulle koningsblou rokkies en wit hempies raak die Pilditchstadion stil. "EK SIEN HAAR WEN" strek in doodse stilte oor Pretoria, en dan juig "AFFIES DRA DIE BLOU" uit 800 dogterskele. Die mense wat dit aangehoor het, sal dit nog lank onthou.

Uiteindelik die afloswedloop!! - die AFFIES en dirigente kry hul derde asem en met nuwe krag spoor hul die atlete aan wat met meer instatief 'n laaste poging aanwend.

Dan die groot oomblik! Menlopark kry al die bekere, behalwe een wat AHS KRY. Maar EEN beker is nog uitstaande - die GEESBEKER!

Stille vir 'n minuut. "Wonderboom derde, Voortrekkerhoogte tweede.

Stille vir twee minute. 9 "Tussen AHMP en AHS - wie gaan dit wees? . . . "Sal die dirigente van die AFRIKAANSE HOËR . . . MEISIESKOOLOO . . ." Hy wou nog iets se maar die AFFIES raak buite hulleself, en met hul vierde asem wat hulle skep kan jy hulle tot onderkant die Magaliesberge hoor! Lank nadat almal weg is, sing en lag die vrolike AFFIES nog.

In 'n sekere matriekbus het ek

gewonder, waar "ons oues" . . . nog e gees kry . . . van elke sessie tot elke matriek het haar deel bygedra en ek dink elkeen is nou van vooraf trou om 'n AFFIE te wees!

Met die aankoms by ons skool het die AFFIES een-een verdwyn, maar die GEES het agtergebly binne die blou hekke van ons skool.

Aan elke afrigter: ons DANK u, en aan elke AFFIE en elke dirigent en SPESIAAL aan elke ATLEET wat haar bes gedoen het, baie DANKIE! Onthou jy kom tweede en derde vir jouself, maar jy neem deel vir jou skool - vir AHMS. Ons sal die Interhoër van 1981 nog lank onthou!

Tears but still smiling

*Tears but still smiling
Why the tears?
The tears for the darkness, sadness
and pain for the future
Why the smile?
It is for the happiness of the past
and a life full of bright lighted lamps,
all of the past
and bath for a mother and a father
who share with us all the worries,
happy memories and pain.
They will smile upon good work
and our happiness, our sunshine
but they will also shed tears
for our pains, our rain.
That is why there can be
Tears but still smiling.
Our Sunshine and Our Rain
with misty clouds before us.*

Kuzzette Mare St 9A

LOV 1981

In sy vierde bestaansjaar raak die LOV 'n gevestigde liggaam in Affie-sport. Die liggaam is gestig met die doel om hulp te verleen by die LO-klasse, by interne sportbyeenkomste en om die sportfasiliteite, in besonder die gimnasium, in stand te hou.

Vroeg in die jaar is die lede van die LOV van 1981 deur die leerlinge aangewys. Elke standerd het twee verteenwoordigers en vanjaar is Deon du Preez (voorsitter st 10), Nicky Nel (Onder-voorsitter st 9), D Oosthuizen (sekretaris st 9), J Vosloo st 9, M Boyens st 8, J Maritz st 8, E Raath st 7, P du Plessis st 7, E van Schalckwyk st 6 en W van Dyk st 6 as verteenwoordigers van die onderskeie standerds aangewys.

Op 1 Junie 1979 is 'n nuwe era in Affie-sport ingelui, toe die skool se gimnasium naby die swembad oopgestel is. Daar is 'n toenemende belangstelling in die belangrike deel van 'n seun se liggaamlike oefening. Die programme in die gimnasium is met die medewerking van 'n bekende gimnasium-eienaar in die stad, mnr G Maré, opgestel. Ons wil ook

ACS

Die opkoms by die A C S V is bevredigend, maar dié kan beslis verbeter. Daar word wekelik vergaderinge gehou en die A C S V is ook al vanjaar deur die reisende sekretaris besoek. Genoemde persoon het dan ook met die A C S V-bestuur 'n vergadering gehou.

Ons hartlike dank aan mnr Van der Spuy wat aan die hoof van die A C S V staan en baie opoffer om sake reg te laat verloop.

Ons wil ook graag alle leerlinge, maar in besonder die st 6'e en nuwe leerlinge, uitnooi om die vergaderinge op Woensdae in die saal by te woon.

KADETORKES 1981

Na 'n lang gespook, is die orkes weer gereed vir optredes. Alhoewel daar ongeveer tien nuwe orkeslede is, beteken dit nie dat die orkes enigins verswak het nie.

'n Vol jaar met optredes en kompetisies lê voor. Saterdag 14 Maart 1981 was reeds die begin daarvan toe die orkes reeds die oggend vroeg na Eersterus vertrek het vir hul eerste optrede, waar daar aan 'n optog van ongeveer twee uur deelgeneem is.

Saterdag die 28 Maart 1981 is reeds een van die hoogtepunte vir die orkes, die Jooloptog, waar die orkes saam met die trompoppies van Tuks voor in die optog vanaf Bronbergkerk tot op Kerkplein gaan loop.

Nog baie oefening en offerings sal nog gemaak moet word, maar alles word met nuwe moed en ywer aangepak en die vrugte hiervan sal sekerlik gedurende die jar gepluk word.


J. Naudé

PIGLY-WIGLY

Wegneem etes
Kry by Pigly-Wigly
die lekkerste,
langste en grootste
"footlongs" in
Pretoria
By Pigly-Wigly
Kry jy waarde
vir jou geld...
vra maar enige
koshuisleerling!

hiermee die res van die Affies wie nog nie lid van die gimnasium geword het nie, nooi om hulle as lede in te skryf.

Verder beplan die vereniging onder andere ook om d.m.v. 'n bekende rugbyskeidsregter die voornemende Affie-rugbyspelers die nuwe en veranderde reëls voor te hou.



AFFIES SE GESKIEDENISKLUB

Die geskiedenisklub was op 2 Maart so bevoorreg om ds P J Cilliers, van die Hervormde Gemeente, Pretoria, as ons eerste spreker te hê. Hy het ons oor die baie aktuele onderwerp: "Die Moderne mens en Vryheid", toegesprek. Aangesien hy self nog baie jonk is, kon hy dit baie duidelik vir ons uiteensit en saamvat.

Ons hoop om in die loop van die jaar nog 'n paar sprekers te kry, o.a. mev M Malan wat oor die parraatheid van die Suid-Afrikaanse dogter sal praat en Lonette Duncker wat ons meer omtrent die weermagopleiding op George sal vertel. Die matrieks beplan ook nog 'n uitstappie na die effektebeurs in Johannesburg, terwyl die

Hirschorn en mev Senekal. Ons standerd agts bekende geskiedkundige plekke in Pretoria sal besoek. Die klub staan onder die bekwame leiding van mej Hirshorn en mev Senekal. Ons standerd verteenwoordigsters is: Annalet Mulder (st 8) en Marianne Osterhoff (st 9). **Ichte Marais (Voorsitter Geskiedenisklub) en Marguerite Poolman (Sekretaresse Geskiedenisklub).**

'n Feesjaar vir die Voortrekkers

Op 30 Sept. 1931 is die Voortrekkerbeweging gestig. Vanjaar, 50 jaar later, het ons as jong Afrikaners alle rede om trots te wees op hierdie voortrefflike jeugbeweging.

Die doelstellings van die Voortrekkers behels onder andere die inskerping van die Christelike geloof by die jeug, uitbouing van die Afrikanerkultuur, goeie leierskap, bewaring en waardering vir eie bodem; gewoontes van waarneming; ondersoek, waardering, selfbehoud en om diensvaardigheid te ontwikkel.

Ek en my maats vorm die Springbokspan. Ons is 'n heel bedrewe klomp en het al menige kampe saam deurgemaak, asook staptoere, o.a. in die Drakensberge. Ons is baie dankbaar teenoor ons offisiere vir al die kennis wat ons opgedoen het oor enigiets van algemene veldkuns tot rotsklimtegnieke.

✉

Sersant: Jy bly net daar sit! Dawie, sit! (deel van dialoog).

Danie: Mnr, ek weier dat 'n st 8 vir 'n matriek sê wat hy moet doen!

✉

Dawie oefen nog aan sy laggie — hy sukkel so 'n bietjie.

Mnr: Jako, weet jy hoekom jy daar lag?

Jako: Ja mnr. 'Mnr het gesê ek moet!

Later

Mnr: Jako, jy moeg gelag het.

Jako: Ek het geprobeer mnr. Ek sal dardie dag lag mnr.

Mnr: Nee Jako, nou! Jy moet voor die spieël jou laggie gaan oefen

Jako: Ja goed mnr.

✉

Wat sou Vergilius hiervan sê?

Latynvertalings: Matriek s'n: "Somnus se tweeling is gedra, waarvan die een horing was en die ander 'n glansende olifant."

Die regte een: "Daar was twee poorte by Somnus, waarvan die een van horing gemaak was en die ander een van glimmerde ivoor."

Wat sal Vergilius hiervan sê?!

Met die verkryging van spesiale onderskeidingstekens verkry 'n mens 'n groot algemene kennis. 'n Mens leer ook die waarde van diens en die genot om bruikbaar te wees. Ons is trots om vanjaar deel te hê aan die 50-jarige bestaan van die Voortrekkers en sien uit na al die avontuur en feestelikhede.

GANNETTIE

'n Groot, donker ou het op 'n leierskursus een Saterdagoggend vroeg, 'n klein donker nooiëntjie, toevallig ontmoet.

Dit het moeilik gegaan, veral vir hom.

Sy was soos 'n kwaai perdebytjie... gevaarlik om by te kom.

Seunsvriende het hy goed verstaan, maar sy was anders... Hy moes probeer en eksperimenteer, en uiteindelik het hy die slag geslaan.

Hy was 'n oulike ou. Sy weer baie slim. Albei prefekte — goed uitgedink Sake vorder toe somer baie gou

Sy gedagtes het begin dwaal, Sy werk is afgerammel. Soggens voor skool het hy soos 'n mot om 'n kersvlam om die nooiëntjie gemaak.


Sy het haar periodes deurgedroom. Haar werk was afgeknou Haar gedagtes altyd ver... Haar hart was aan't bloei.

Hy het saans deur die koshuis gedwaal. Sy hart en gedagtes was ver Die dae en aande in die koshuis was skielik eensaam, somber en vaal.

Is dit kalwerliefde, of... Dui dit dalk op dieper dinge? Ons hoop die hartseer bly weg! En julle twee se paadjie, altyd reg!



Ganettie



Affies het vanjaar weer een van sy sterkste spanne in baie jare, en ons het groot verwagtinge vir die jaar wat voorlê. Affies se krag het na vore gekom toe hy gelykop teen Grey Kollege gespeel het. Grey Kollege was verlede jaar die topskaakskool in Bloemfontein, en 4 van hulle huidige spanlede het verlede jaar die Vrystaats span by die Suid-Afrikaanse kampioenskappe verteenwoordig.

Affies gaan vajaan weer 3 spanne in die liga inskryf. Die bywoning by die oefeninge is heeltemal bevredigend ten spyte van atletiek- en rugbyoefeninge. Dit is net jammer dat skaak nog nie sy regmatige plek op die sporthierargie van Affies inneem nie, omdat dit deur die ander sportsoorte verdring word.

Dit is verblydend om te sien dat die matrieks ook op skaakgebied hulle deel bydra, wat weerspieël word deur die feit dat vyf van die eerste span se lede in matriek is.

Die skaakvereniging wil graag alle belangstellendes uitnooi om hulle slag te kom toon en ook vir mnr Van der Spuy en Marais hartlik bedank vir hul belangstelling, leiding en opoffering by die skaak.

Skei-Natklas:

Mev Randall: "Wat is hnd se reël?"

Affie: Elke hond kry sy dag, juffrou.

✉

6) 'n Man vervies hom vir 'n partjie wat agter hom in die fliek sit en praat. Op die ou end draai hy woedend om: "Ek is jammer, maar ek kan nie 'n woord hoor nie." "Regtig," antwoord die ander man verontwaardig "en wat het jy te make met wat ek vir my vrou wil sê?"

✉

7) Jannie: "Ma, mag my en Hennie gaan swem?"
Ma: "Nee Jannie, dis ek en Hennie."
Jannie: "Huh? Wat dan van my?"

"Do it the Roman way"

"Ag nee, al weër "De Bello Troiano". Dit is 'n uitroep wat elke Latinus van standerd agt tot aan die begin van standerd nege meer as een maal 'n week desperaat uiter.

Wat professor Gonin besiel het om elke voornemende Romein die stryd te laat stry, sal net hy weet. Maar stry sal ons stry! Al is dit met

trane, ongekende woede en versteekte woordelyse.

En is die vreugde groot as 'n mens uiteindelik die woorde "fabulae finis" onderaan les XXV lees! Sulke geleenthede kan ons ook nie ongesiens verby laat gaan nie — en ons hê dit gevier!

Maandag 2 Maart het 'n pragtige koek in die vorm van Helena van Troje se kop, in die Latynklas lê en wag... Dit was geen probleem vir die sewe honger Romeine nie! "Cibum celeriter edimus"

Aan juffrou Visser wat ons toegelaat het om die periode vreesaam deur te bring — dankie. U is 'n ware Romein!

St 9-Latynklas

Tipiese sêgoed

LAG EERS

1) Met die Curriebeker-eindwedstryd stap 'n kaalvoetseuntjie na die hoofpawiljoen, kaartjie in die hand.

Die kaartjie-ondersoeker kyk verbaas na die duur kaartjie en die klein seuntjie.

"Nou toe nou, jou pa is seker baie ryk. Wat doen hy?"

Seuntjie: "Hy soek hom op die oomblik dood na sy kaartjie, Oom."

2) 'n Baie ryk man bestel drie(3) swembaddens vir sy tuin. Toe die werkers met die graafwerk begin, vra sy vrou ontsteld: "Wie het nou drie swembaddens nodig?"

"Ons" antwoord haar man. "Een met warm water as dit koud is, een met koue water as dit warm is en een sonder water vir ons gaste wat nie kan swem nie."

3) "Maar Pa, ek wil rêrig nie Amerika toe gaan nie!"
"Bly stil, en swem"

Die jaar van gestremde

*Die diskoteek se ligte
Flikker elke nag,
maar tussen al die mense
sit ek alleen en wag.*

*Die mense skarrel om jou
die windjie waai ook koud,
sal iemand soms net help
al is ons soms ook oud?*

*Sien jul ons ooit raak
waar ons hier sit en dink,
as jul nie eers geriewe
geskik vir ons wil dind?*

Dit is vanjaar die jaar van die gestremde. In die verlede is daar soveel ophef gemaak van die "gesondheidsjaar" en ook die "Jaar van die Kind". Duisende plakkate het op straat verskyn en baniere het oral gepryk. Almal het skielik gesondheidsbewus geword en verskeie "trimparke" is aangelê. Miskien was dit 'n goeie ding, maar gaan dit hierdie jaar dieselfde geval wees met die gestremde?

Alhoewel ek nie self gestrem is nie, het ek wel baie vriende wat in hierdie posisie verkeer. Sommige

tydelik, ander permanent. In ons daaglikse handel en wandel is ons al so egoïsties dat ons die gestremde nie eers meer opmerk nie. Ons tref hul wel op straat, in die skool, in busse, op kantoor, voorwaar oral aan. Het u al die smekende oë van 'n verlamde gesien wat oor 'n besige straat probeer kom? Kan u die smart begryp wat die gebruik van u bene of selfs algehele verlies van beheer oor u liggaam gaan behels? Kan u self voorstel om die sensasie van gehoor of visie te verloor? — Nouliks!

Afgesien van ernstige liggaamlike gestremdeheid het hierdie moedige mense nie gaan lê nie. Met moed, durf en daad pak hulle die taak aan om weer nuttige onderdele van die samelewing te word, al word hulle dit nie altyd gegun nie! As ons vir 'n oomblik eerlik wil wees, sal ons moet erken dat sommige van ons ongemaklik of selfs vies voel in die geselskap van 'n gestremde persoon.

In my eie lewe moes ek op my tande byt en my sieklike afgryse in gestremdeheid in my sak steek en doodwerklike pogings aanwend om die persone te aanvaar. Nadat ek die eerste stap geneem het, het 'n hele nuwe, opwindende wêreld vir my oopgegaan, nl die oorwinnarswêreld van die ambisieuse, ywerige gestremde persoon.

Hulle werp alles in die stryd om weer opnuut te begin "lewe" en te funksioneer in die samelewing. Dit is ondenkbaar dat hulle soms deur verrotte jeugdige met hul "sieklike norme en waardes" — want dit kan nouliks as norme beskou word — gespot, fisies aangerand of selfs beroof word. Kan die regdenkende dit toelaat? Sal God dit duld?

Weet u dat daar feitlik gladnie vir die gestremde voorsorg getref word nie? Hoë geboue word operig sonder hysers. Sommige geboue het stelle trappe, maar geen aanloop vir rolstoel is aangebring nie. Miljoene rande word jaarliks spandeer op reuse geboue en sentra. Is dit te veel gevra om voorsiening te maak vir die gestremde?

Ek het die voorreg gehad om 'n lied te skryf vir 'n televisieprogram oor die gestremde en na 'n insiggewende onderhoud met 'n gestremde dame het my oë opnuut oopgegaan vir hul probleem in 'n onbelangstellende, afgelose samelewing.

Afgesien van al die gespot en teenkanting wat hul moet verduur, bly hul staan en dien die samelewing

op hul besondere, beskeie wyse.

Doen uself 'n guns en gaan vanaand op u knieë en dank die

Vader vir gesondheid, vryheid van beweging, krag en lewe!

Evan Schoombie

1952 GESKIEDENIS REGEER 1981

PROF JOHAN HEYNS

Diegene wat sê dat geskiedenis net vir fosielt agtige historici is, word deur prof Heyns oor die vingers getik. Hy beskou die geskiedenis as 'n handeling waarby die mens betrokke is met die oog op 'n doel. Dit is die mens se "antwoorde" op sy aanspreeklikheid van 'n Godgegewe taak. Hy gee 'n kort opsomming van die Suid-Afrikaanse geskiedenis vanaf 1652. Hierin lê die professor klem op die kommunikasie-behoefte wat lei tot die ontwikkeling van 'n nuwe taal. Dreigemente wat hierdie eie skepping bedreig lei tot 'n behoefte om dit wat eie is te bewaar. En dan volg die Groot Trek as "antwoord" van 'n nuwe volk aan die Suiderpunt van Afrika. En só vleg die "antwoorde" van die mens deur die Suid-Afrikaanse geskiedenis.

Prof Heyns onderskryf: Ons geskiedenis is gebind aan ons bodem, gebind aan ons mense, gebind aan ons taal, gebind aan 'n eie godsdiens. Indien dit die geval is, dan is geskiedenis mos nie iets wat 'n mens agterlaat nie! Maar jy dra dit saam die toekoms in. Dis deel van menswees, dis deel van volkwees. Hierdeur hoef die mens nie agter te bly met geskiedenis nie. Die nuwe situasies waarvoor die mens te staan kom, hou egter verband met die geskiedenis. Dis kables in 'n eeue lang ketting.

In die verlede was daar verkeerde

"antwoorde". Nou, in 1981 kom nuwe situasies oor die volkspad. Die geskiedenis het fundamentele riglyne gegee en Suid-Afrika is nog nie op 'n ashoop gegooi nie. Dis 'n goddelike geleentheid, nie verleentheid nie. Elkeen staan in 1981 voor 'n uitdaging om só geskiedenis te maak dat ons nageslag gevorm word op 'n waardevolle skakel in die ketting vanaf 1652. Sukses sal afhang of 'n eie kultuur sterk genoeg gebou het aan 'n stewige ketting.

Prof Heyns sluit af: Ek neem dus die geskiedenis saam die toekoms in.

OGGEND VIR 'N ST 6!

Die opstaanklok lui skril. Ek kyk by die venster uit — dis koud en nat. O gaats! Ek moes een van die matrieks al 'n halfuur gelede wakker gemaak het! En nou? Ag wat, ek sal maar wag en sien wat kom.

Traag begin ek aantrek. Onverwags kon 'n stoomtrein in ons kamer ingestorm — dis die matriek wat ek moes wakker gemaak het! Sy raas en gaan te kere omdat ek haar nie wakker gemaak het nie. Nederig maak ek verskoning. Die trane is naby, want hoe kan ek nou help as ek nie die wakker gehoor het nie? Maar nou ja . . .

juffrou x se bed gaan opmaak en haar skoene skoonmaak. Ek is dankbaar as die waarskuwingsklok lui en ons darem vir 'n rukkie in vrede gelaat sal word. Aan etenstafel gebeur nog die ergste. Ek vergeet om die matrieks te groet, ek gooi die melkbeker om en ag, al's loop verkeerd. Maar om te dink — so word ons ware Affies en koshuisbrakke!

Ek besef ek sal nou moet wikkel om klaar te kry, want ek moet nog

Milada Swanepoel
St 6 A

ONTGROENING

Bang, bibberende, bedroë blertse bekruij daaglik bewend die onbekende, blou hekke. Groot, onseker oë volg die verhewe "Juffrouens" se handelinge nederig-gereed om hul af te slaaf vir hul "dierbare" matrieks! Hierdie nederige, gediensige uitvoering van pligte deur st 6'e is te danke aan 'n kursus in intensiewe verwelkoming te Affies.

Nadat al wat blertsagtig voorkom, verhoor is en hul pleidooi gelewer is, is hulle die reuse eer aangedoen om vir 'n proeftydperk van 'n volle week en 'n half in die hooggeëerde geselskap van die seniordames deur te bring.

Gedurende die tweedeweek is alle blertse wat nie tē atleties verkeer het nie, ingespan om hul talente en gawes voor kritiese Affie-oë ten toon te stel. sodoende moes hulle gekeur word vir Affies — of gedoem vir die Vrystaat.

Dit was voorwaar verbasend om die verskeidenheid talente van die nuwe blertse te sien. Dié wat nie pragtig kon sing nie, kon asemrowend, sekure danspassies uitvoer of oortuigend dramatiseer. Die res kan almal ewe gediensig snik-snik of kap-kap.

Na dié uiters suksesvolle drama-, sang- en danspogings is die finale beslissing gefel. Die blye tyding dat al wat blerts is-net-net-die Vrystaat vrygespring is, is met jubelkrete aangehoor. Tesame met die nuus lui die doodsklokke van intensiewe verwelkoming" in die meerderheid matrieks se ore . . .

Leierskursus: 1981

Vanjaar is die jaarlikse leierskapkursus weer eens aangebied en dit is by die meisieskool gehou. Leiers vanaf st 7 - 10 was teenwoordigend van albei skole. Die funksie het op 'n Vrydagaand in aanvang geneem toe Stoffel en Hannalise albei iets gesê het. Die oorspronklike spreker wat sou gepraat het, kon nie kom nie en prof Heyns van die Universiteit van Pretoria is gevra om te praat oor die rol van geskiedenis vir die toekoms. Hy het kort en kragtig gepraat en tot almal se verbasing was die opening van die kursus baie gou verby.

Saterdagoggend vanaf agtuur tot twaalfuur moes almal weer by die saal van die meisies aangemeld (in skoolklere natuurlik) om die kursus voort te sit. Hiedie keer is almal in groepe ingedeel onder die bewame leiding van ds Strauss en elke groep het vroeë ontvang waarvoor die leier van elke groep skriftelik sy groep se antwoorde moes terugrapporteer. Almal het hierdie geselskapsdeeglik benut. Daar was ook 'n pouse waartydens koeldranke gratis aan-

gebied is. Mettertyd het die einde van die kursus tot almal se verbasing aangebreek en almal is uitmekaar.

Oor die algemeen was die kursus geslaagd behalwe dat daar klages was oor die politieke kleur wat die besprekings later vroeë gekry het.

Verder was dit 'n sukses en Stroom-op bedank almal wat deel daaraan gehad het.

R du Plessis

Koor - 1981

Aangesien seuns net kan koppel as hulle sing en dit na 'n ou os met 'n seer tand se gebrom klink as 'n matrikseun sing, het Affies 'n koor tot stand gebring en die teendeel te bewys.

Die sogenaamde sessies van die skool, nl die onderhoofseun, prefekte, veskeie eerstespanspelers, atlete, geverderde musikante en die bekende by die skool, het kom aansluit. Manne met harde baarde en ook die met melkbaard. Growwe stemme en fynes. Niemand het geweet wat met hulle gaan gebeur nie.

Mev Smit het met 'n ystere hand die seuns tot orde gebring en hulle jou laat verstaan dat ons hier was om te sing. Met die beginslag het net die musikante uit volle bors gesing. Die

ander het gou gevolg en dit was p'n valse gebulder sonder dissipline. Mev Smit het net geglimlag en ons laat voortgaan. Hoe meer ons geoefen het, hoe beter het dit geklink en kan ons, nou onself met eer 'n koor noem.

Harde oefening sal nog volg, maar aan die einde sal ons kan terugkyk en sê dat 1981 'n jaar van groot dinge was en dat dit met sukses afgehandel is.

B. Heinemann
10 B.

MY EERSTE DAG OP HOËRSKOOL

Die vegters staan gereed. Die kanonne reeds gelaai, masjiengewere wag, 'n Ruk, 'n donderende lawaai, oorlog . . .!

Soos 'n vetgesmeerde blits, pyl ek uit my bed! "Die oorlog het begin" eggo dit deur die lang koue gang van die koshuis. Ek duik onder my bed in, maar dan is daar géén skote meer nie. Ek loer uit my "skuiling". "Is die oorlog dan so gou verby?" Verbaas staar my kamermaats na my. Dan onthou ek, dit is maar net die koshuisklok . . . Dan spring ek op, want 'n nuwe dag wag, 'n nuwe jaar . . .

maal dit deur my gedagtes — 'n Rukkie later koets ek net betyds agter een van die bome vir 'n matriek. Baie tevrede met myself draai ek om, maar weer eens tref die ongeluk my. Ek kyk vas in 'n ander matriek, "goeienaand, ag ek meen, goeie môre Juffrou Ka . . . Re . . . E" Die matriek se oë vlam "Wat is my naam, Blertz?" bulder sy. My hare rys en hoendervel kruip oor my "Juf . . . Alba" Val dit my meteens by en verlig stap ek weg.

Die aand lê ek in my ou harde koshuisbedjie. Dun straaltjies "krokodilrane" biegeel oor my wange. Buite speel die maan rustig deur die bome, die nagwindjie sing haar trooslied en verlangs huil 'n hond. Vir oulaas maal dit deur my "Wat wag op my?"

Marietjie du Plessis St 6A
(Goebels)

Ons Televisiesterre

Wie het gesê Affies kan net op akademiese of rugbygebied uitblink? Sekerlik iemand wat nie bewys is van Affies se potensiaal in die vermaaklikheids-wêreld nie. 'n Paar van ons onderwyseresse en leerlinge het nie verniet vanjaar hul debuut op die kykkassie gemaak nie.

Vroeër vanjaar het ons talentvolle sangonderwyseres, mev De Villiers, in die program, "Serenade", opgetree. Hier het sy met groot sukses van hoor eie komposisies gesing.

Op een van Kraaines se talent-aande het Kobie Lemmer een van mev De Villiers se komposisies gevoelvol vertolk.

Ons alombekende mej Hönck het saam met twee ewe bekende Affies, Gey van Pittius en Nerene van Rooyen, 'n suksesvolle bespreking oor Shakespeare se drama: "Merchant of Venice" gevoer. Deur die

drama om te woel, voor- en dandele van Shakespeare se dramas as voorgeskrewe werke te bespreek en die karakters te ontleed, het dié drie 'n lewendige reaksie by die kykers ontlok. Dit kan egter nie agterweë gelaat word dat mev van Schalkwyk 'n belangrike aandeel aan die skryf van die teks gehad het nie.

Graag wil die Stroom-op-redaksie en alle Affies die bogenoemde "televisiesterre" baie geluk wens. met hul puik optredes. Alle sukses word hulle ook vir hulle toekoms in die vermaaklikheids-wêreld toegewens.



AFFIES- WENNERS VAN DIE GEESBEKER!

Daar is beslis 'n goeie gees wat sy vrolike bakkies veral by sportbyeenkomste wys in die Afrikaanse Hoër Meisieskool teenwoordig!


Dit is bewys toe die meisies die gesogte sangtrofee — die tweede keer in sy driejarige bestaan — op die jaarlikse interhoërathletiekbyeenkomste te Pilditch verower het!

Die dirigente het asemrowend vertoon. So chic soos modelle uit "Vogue" het hulle koel, selfversekerd en sonder helikopters of 'n massa slawe, hul verskyning gemaak. Alhoewel hulle stil-stil aangestap gekom het, het almal hulle raakgesien. Hulle het onmiddellik ingespring en begin dirigeer. Hulle moes egter nie soos die ander Affies slegs die son trotseer nie, maar ook met hoë spykerhakke (en bye!) rekening hou.

Die Affies het die skare so beïndruk toe hulle tydens teepouse in 'n netjiese blou blok bly sit het, dat daar deur vyandige partye geglo is dat onderwyseresse tussen hulle versteek gesit het (skuldige gewetes?)

Veral die matrieks het dié dag uitgekap. Dit was immers hulle laaste (!) Interhoër.

Aan ons broers 'n woordjie van bedanking. Julle weet net nie hoe verruklik julle op die pawiljoen vertoon het nie! Die netjiese groen blok het deurentyd as ons aansporing gedien. As julle nie in die koelte gesit het nie, sou julle gewis die sangbeker met ons gedeel het! (Red)



Affies gevreesde!!

Affies, ons kreet lui: "Affies die eerste; Affies Gevreesde" en dit is voorwaar 'n kreet om op trots te wees! Maar hoe waar is dit? Hoeveel waarheid steek daarin as ons met alle mag skree: "Affies Gevreesde"? Dit het in Meisieshoër net hol woorde geword en wie het dit hol gemaak? Ons!!


Ek hoef maar net die naam 'Menlopark' te noem om hierdie bewering te staaf. Menlopark is 'n skool waarmee op elke sportgebied rekening gehou moet word. In atletiek, swem, hokkie en rugby is daar deurentyd die wete dat Menlopark 'n sterk sportskool is en die vrees om teen die Parkies te verloor. Vir die Interhoërathletiekbyeenkomste het ons al klaar die houding ingeneem dat "Menlopark tog weer sal wen, so hoekom probeer ons dan hoegenaamd deelneem." Affies, dit is nie wat ek beskou as "Affies Gevreesde" nie, maar eerder "Affies Bevreesde"!

Kom ons wend nou 'n daadwerklike poging IN DIE MASSA aan om Affies se naam weer op sportgebied te herstel. Waarom moet ons so sukkel om 'n atletiek- of swemspan saam te stel? Waarom moet ons kinders sméék om hokkie-oefeninge in die winter by te woon? Waarom sit die dagskoliers gemaklik agteroor en sê: "Ag, die Koshuis sal ons maar verteenwoordig"? Dit is juis daár waar ons moet begin en besluit om in die toekoms so voltallig en ENTOESIASTIES as moontlik aan alles deel te neem en funksies by te woon.

Kom nou, Affies. Ons het al talle kere bewys dat ons iets kan doen as ons wil. Kom ons roei die "Affies Bevreesde" uit en skep weer 'n "Affie Gevreesde" om op trots te wees. As ons nou almal hard daaraan werk, kan ons onself gaandeweg versterk en opbou; en meer nog, as ons nou begin oefen kan ons volgende seisoen verwag om die resultate te sien wat ons al hoe nader sal bring aan ons doel. Ons leuse is nie verniet "Ek sien haar wen" nie, of hoe?!

'n Bekomende Affie

Met Apologie:



Mej De Waal

—Die een wat deur die nag
ons pret beloer
en laaste lag
is skoppensboer. (E. Marais — Skoppensboer)

Mev Randall

—Dit is vir my so wonderlik
hoe, uit die stille nag,
die sterretjies gebore word
sommerso uit die dag.
(Wonderlik — van Bruggen)

Die onbekende Onnie

—Ek sien uit hierdie vlaktes rys 'n draak
wat oor kriebos en tamboekie waak
(Mynstellasies — Mocke)

St 9 Skeinatklas

—Ons slaap in die rus van die eeue gesus
ongesien, ongehoord.
(Die Vlakte — Celliers)

Affie op Maandag

—Die osse stap aan deur die stowwe
geduldig, gediensig, gedwee;
die jukke, al drukkend hul skowwe
hul dra dit getroos en tevree

Affie op 'n Vrydag

—So, stom tot die stand van hul sterwe
bly ieder 'n held van die daad . . .
hul bene, na swoeë en swerwe,
lê ver op die velde verlaat . . .
(Die Ossewa — Cilliers)

Affie wat nie 'n vraag
beantwoord nie

—Nog sug die wind.

Die riete tril,
Die grassaat beef,
dan is hul stil.

Koshuis-Affie

—Wat is die slaap 'n woedersoete
ding!
(Slaap — Malherbe)

ST. 9-PREFEKTE

Soos almal (hopelik) weet, is hier in Affieland nie net spiesgoolers, hoogspringers en wenners(?) wat hulle dinge op "Old McDonald" se wysie doen nie— hier is ook bedrywige st. 9-prefekte.

Dis net jammer (en 'n gróót skande) dat dié belangrike skoliere blykbaar taamlik onbekend is en meestal slegs deur hul prefektespeldjies en baadjies uitgeken word as vreesaanjaende, emosielose prefekte wat slegs die sinsnedes: "MAAK TOE JOU KNOPIE!!!" en "WAAR'S JOU KEPPIE!!!" ken!

Alhoewel dit miskien baie onheilspellend en gevaarlik klink, is hulle in werklikheid doodnormale, vriendelike en gawe Affies (miskien net 'n bietjie flukser en soeter!), wat 'n baie belangrike taak in ons skool verrig. Dat die leuse en wagwoord onder hulle 'betrokenheid' is, is nie te betwyfel nie. (Ek dróóm maar net

van die wonderlike dag wanneer die hêle skool se wagwoord 'betrokenheid' sal wees.)

Vergeet egter 'n bietjie van al hul pligte en maak so 'n bietjie nader kennis met hulle. Jeanné is natuurlik, op grond van haar boekprys verlede jaar, die skeikundige onder hulle en Annette die taalkundige (Afrikaanse & Engelse). Nerina, Lize en Marianne is ons sangeresse en Nerina ook die pianiste. Marianne is vanselfsprekend ook 'n heldin in die Matieks se oë. ('k wonder hoekom!). Solet en Christané is die koshuisverteenwoordigsters en Solet ook die Latinis. Truda en Made-

lein is die finansiële eksperts. Madelein is ook die skerpskut. Anna-Marie is die rooikop, en as eertydse snoepiebeampte het Gisela nie juis bekendstelling nodig nie. Mariëtte is die alles-in-een een!

Hulle is natuurlik almal baie betrokke by sport en ander buitenuurse aktiwiteite. Hulle is ook gewild by die nasie hier oorkant die straat . . . (Veral party — ek sal liëwer nie name noem nie . . .)

So terloops . . . 'n paar toekennings:

Kwaaieste van die termyn:

(oop vir kompetisie)

slankste van die termyn:

Jeanné

Skrywerigste van die termyn:

Solet

Jongste van die termyn:

(vars van die kleuterskool):

Truda

Snaakste van die termyn:

Madelein

Sportiefste van die termyn:

(1ste plekke): Madelein,

Truda, Marianne, Jeanné

(2de plekke: die res)

Aan al twaalf van julle wens

ek alle voorspoed toe vir die

res van die jaar, en . . .

DANKIE!!

'n Bewonderares in st 9



Affies se 61 e bestaansjaar

Dit was 'n trietsige dag, nie net wat die weer betref nie, maar ook wat met party leerlinge gebeur het . . .

Ten spyte van al hierdie dinge wat gebeur het, was dit ook een van die verjaarsdae wat seker onthou sal word. Die gebruiklike samekoms tussen die meisies en seuns het nou wel nie plaas gevind nie, maar daar was ander dinge wat daarvoor gekompenseer het.

Die tradisionele vorm van verjaarsdagviering is ook so 'n bietjie verander toe ons i p v 'n groot seremonie op die pawiljoen te hê, reusagtige vrugtefees gehou het. Die oggend het meneer Malan, een van Affies se oud-Hoofseuns en met 'n groot Affie-geskiedenis ten opsigte van sy familie, ons hom toespreek. Hy het ons ook duidelik laat verstaan dat as hy in beheer van sake was ons beslis nie die besondere dag skool sou gegaan het nie. Natuurlik was die leerlinge baie ingenome met hierdie stelling, maar nouja . . .

Dié dag het daar weer eens 'n besondere gees tussen die leerlinge geheers en die begin van 'n nuwe dekade van Affies is goed begin terwyl die herinneringe aan die verlede ons weer tot dankbaarheid gestem het.

Interhuis-atletiek

Die interhuis-atletiek was soos gewoonlik een van die hoogtepunte van die skooljaar. Die byeenkoms was van hoogstaande gehalte en puik prestasies is gelewer.

Om individuele prestasies uit te sonder, sou onredelik teenoor die ander wenners wees, want om in Affies 'n eerste plek op die atletiekbaan te behaal, is al reeds 'n uitsonderlike prestasie. Tog wonder ek of 'n mens ooit sal vergeet hoe Alex die 100 m-naelloop, te midde van die nat omstandighede, in 'n pragtige tyd gewen het, of Stoffel se rekords in die styfwerp en gewigstoot. Of wie sal ooit vergeet hoe stil die tussen die koshuismanne was toe Adriaan Maarschall sierlik oor die dwarslat geseil het om die bestaande hoogspringrekord met 'n volle 7 cm te verbeter en die chaos wat daarna losgebreek het?

Koshuis het weer eens korte mette met die ander spanne gemaak, en dit het weer vir ons daarop gewys dat war ook al, dit noodsaaklik is om saam te staan, en as 'n eenheid te slaan. Hartbeeste was tweede, met Koedoes derde en die Elande laaste.

Die geesbeker is gedeel deur die Koedoes en die Koshuis. Dit was

veral in die Koshuisgeledere waar 'n paar belowende liedjieskrywers en sangers na vore getree het. Ons sal maar nie name noem nie, né Wash?

Ten spyte van die reën het ons almal 'n heerlike dag gehad. Ons sê groot dankie aan elkeen wat bygedra het om die interhuis-atletiekbyeenkoms 'n groot sukses te maak.



Koshuis-kaskenades...

WAT IS die ergste? Om ru uit jou droompies geruk te word deur 'n koshuisklok wat 2 verdiepings (wel, dit klink so) ver val, 1 uur die nag, of om saggies gewek te word deur 'n standaard sessie wat krokodilrane produseer. Snaaks hoe die verlange erger word hoe ouer die nag word!

Toemaar sessies, dit het met ons ook gebeur hoor!

Een ding is seker, 'n koshuis is die avontuurlikste plek om na te verhuis. Hier bebeer BAIE opwindende, interessante, fantastiese, lewendige dingetjies... vra maar enige matriek! Komaan Affies, dis tyd om weg te breek nou, 'n Koshuis vol opwinding, koshuis gee nou die pas aan...

'n Koshuismatriek

Interhuisswem - Die koshuis blink uit

Op Maandag 2 Februarie het die koshuis weer eens sy spiere vir die ander spanne gebult. Dit was toe die koshuis die interhuis swemgala gewen het.

Die gala het op 'n hoë en spannende noot begin in die kompetisie onder al vier die spanne was baie straf. Sommer van vroeg af was die punteverskil tussen die spanne maarwynig. Daar is naels gebyt, gesing en geondersteun van alle kante.

Uiteindelik en bra na aan die einde, het dit duidelik geword dat die tweestryd om die eerste plek tussen die Koedoes en Koshuis gelê het. Daar is besef, "dis nou of nooit!" en albei spanne het alles in die stryd gewerp. Toe die aflosse aanbreek, was die Koedoes 'n skrale ses punte voor die Koshuis, maar die Koshuis

se O/15, O/17 en O/19 aflosse het die knoop deurgehaak en die Koshuis kon weer eens met 'n eerste plek loop.

Of dit nou die saamstaan, saamby of koshuiskos is wat hierdie puik prestasie, die eerste keer in 7 jaar, teweeggebring het, kan 'n mens nie met sekerheid sê nie, maar met die klank van "Ons is die koshuismanne, gee pad die ander spanne"... in die agtergrond, besef 'n mens opnuut dat saamstaan of eendrag mag maak.

Aan die Koshuisswemspan en mnr Brooks, baie geluk. Aan die Koedoes, Elande en Hartbeeste — die uitdaging vir volgende jaar staan!

Aksie: Mieliespluk

Sal dit jou verbaas om 04h00 AHM se kombi in die straat te sien? Dit sal jou nóg weer verbaas as jy weet daar is elf Matrieks in wat op pad is om... te gaan mielies pluk!

Vir die afgelope 15 jaar kom daar hierdie tyd van die jaar, 'n klomp jongmense op Dr A J Erasmus se plaas byeen vir 'n mieliepluk-aksie.

En was daar nie aksie nie!! Het jy al kwart oor vier in die oggend donkie gery? Ons het wel, en daar het mej De Waal haar ruitersvernuf tentoon gestel.

By die mielielande het dinge aanvanklik maar voel-voel gegaan om die mielies in die donker in die hande te kry. Soms het dit maar moeilik gegaan, party kon nie eers in die lig tussen 'n mielieplant en kakiebos onderskei nie. Party het natuurlik vergeet dat die aksie... mieliepluk was, veral nadat daar ontdek is dat AHS se koshuis-prefekte ook in die omgewing besig was. Dis dié dat Mej De Waal naderhand opgemerk het dat sommige baie vinniger pluk as ander... In die verband wonder ek hoe dit kon gebeur dat Stoffel se bril gebreek het.

Toe die dag breek, het ons genoeg mielies gepluk om die koshuis 'n maand lank op 'n stewige mieliediet te sit!!

Wat is 'n Koshuis - Std 6?

'N KOSHUIS — st 6 het altyd iemand om te groet. Gelukkig is hulle nooit ledig nie — die matrieks ken die spreekwoord "ledigheid is die duiwel se oorkussing". Hulle kan ook die onmoontlike in die kortste tyd moontlik doen — dus onmiddellik! Die onmoontlike doen hulle dan ook altyd met 'n breë glimlag wat van oor tot oor strek. Die koshuis st 6'e sal ook altyd fiks wees — weer eens aan die matrieks te danke.

Die Koshuis — standaard sessie is dus eintlik fantastiese kreature — maar hulle matriek-juffrouens is nog steeds die beste!



KOSHUISMATRIEKS SÊGOED

Loma Marx: Goebels, ek sal jou klap, meisiekind!
Sonja Coetzer: Julle hardloop nié in die matriekvleuel nie.
Nerene van Rooyen: St 6, ek skryf môre Afrikaans en het nog niks geleer nie.

Sonja Smith: Ek bring nou my ordemerkeboekie!
Gina Pienaar: Stuur vir my 'n St 6!
Loekie Erasmus: Spas, maak gou met my koffie, ek wil dit nie vir ontbyt hê nie.

Mariene Potgieter: St 6, hardloop na my kamer en kyk of die lig af is, en as ek om die draai kom, moet jy terug wees.

Amanda Kleynhans: St 6 kyk of daar 'n brief vir my is.

Esprance de Bruyn: Lekker lalies!

Alba Langley: Goebels jy is d eur die haal ge...

René Seegers: St 6, het jy vir my 'n paar tennisballe?

Anél Moller: St 6, maak styf toe die deur.

Ingrid de Loor: St sesse, julle is dood.

NAWEKE VAN 'N KOSHUISAFFIE

Hoe gelukkig is ons generasie, wat tans deel van die koshuis uitmaak om gereeld 'n naweek te kan kry!

Ek was in st 6 maar het toe slegs vier keer per termyn huis toe gegaan. Hoe aaklig was dit toe nie! Ek was dan so vreemd, forward en so beskree deur 'n enorm matriek dat ek gewens het Ma wil liewer 'n bietjie die riem vir hulle wys!

Nou sit ek in matriek. Juffrou weet ook al as dertien bedrewe matriekdogters haar kantoor binnestap hulle alweer 'n "gunsie" wil vra, 'n groot gunsie.

Baie dankie Juffrou dit maak ons weer???? vir die rooi baksteengebou... die kolonie waar almal van ons soos miere saamwerk en saam woon.



"Follow our footsteps"

Liefdeletjies 'n gave Matriek

KOSHUIS




KOSHUISMATRIEKS SE TOP 20

Loma Marx
Marlene Potgieter
René Solomon
Loekie Erasmus
Gina Pienaar
Alba Langley
René Seegers
Sonja Smith
Nerene van Rooyen
Esprance de Bruin
Amanda Kleynhans
Sonja Coetzer
Anél Moller
Ingrid de Loor

The Jazz Singer
Love thy neighbour
Take that look of your face
Run like the wind
Pinocchio
man on the moon
Rock me
Lady
Video killed the Radio Star
Mammy Blue
D.I.S.C.O.
Great Balls of fire
Don't cry for me Argei
The winner takes it all

STEL JOU VOOR

Loekie sonder haar spies.
Gina sonder haar 'kit bag'
Alba sonder haar geraas
Hannelie sonder drama
Lynette sonder Liquifruit
Kotie sonder haar ordemerkeboek
Mona sonder haar looks
Pottas sonder haar humeur
Pikkie sonder haar beskuit
Anita sonder haar ideaal
Karin V sonder haar tekkies
Linda sonder haar naam oor die interkom
Louise sonder 'n drukkie
Karin R sonder haar "heroes"



♡ KOSHUIS-MIDDIE! ♡

The life and times of Michael

Once upon a time there was a man who always could be found in the kitchen at parties. He always said a lot of things all out of love with passion to his girlfriend whose name was Lucille. Sometimes there were tears on the telephone when he called her after she told him "Calle me".

He was a rock-a-billy-rebel who was heartache for her because she was only a substitute. She was dreaming like a woman in love who was upside down when he phoned her and asked her "Free me". She was crying because it hurt too much and all she could hear was the buzz-buzz of the telephone. Then she listened to a band playing on the radio a song called love on the rocks and she cried.

This man's name was Michael, who rowed a boat ashore in America a few years back. He had other girlfriends also like Samantha, Desirée, Gloria, Heidi, Liefste Madelein, Sproetjies and other love connections. One day he was staid alive dancing in the city when he found a message in a bottle given to him by a (le) Freak, looking like the man on the moon, which read "I'll meet you at midnight". Then a mama's boy who was known as the coward of the County asked if he was all right.

Michael told him to take that look off his face and he told Michael to shut up his face. Michael accused him of a suspicious mind and told hi that he didn't like his blue suede shoes which he had to hold on to. He tried to escape and in a minute he was flying too high down Baker Street like greased lightning. They don't talk anymore.

While Michael was in the mood for dancing, he sat waiting in the hot summer night thinking he will always wait for her. New York by night was swarming with midnight dinamo's who couldn't stop the music and still holding on, he drank a milkshake.

A lady who was shadow dancing knocked his glass house over but he told her he was alright. When he saw the lady in black he immediately thought of Mama Tembus wedding when she married a mach man and he kept on smiling although he hated the music Sunday's Monday's and Tuesday's. As she ran to him he thought

"some girls" and said "Boy o' boy". She fell in his arms like a trojan horse and she said: "My life's in good hands". She also told him she had never loved a man, but was born to be alive and was ready for starting over. He said "Oh Carol" that's more than I cay say" and then he kissed her. When he told her "you're the one that I want" she said "follow me".

Forty days later the night fever of that night burned in him like great balls of fire and he cursed that crazy little thing called love. He thought of sailing away on the Rivers of Babylon to San Francisco bay but the brass in his pocket reminded him of the ballad he had written to Lucy Jordan, his new girlfriend, and he knew he would never love that way again. He was tired of toeing the line and wished that his hungry heart could be taken away by some magic, to Rome where no Hollywood movie was cause for celebration. When he felt withering heights he thought of Rasputin and a boat on the river and a lot of things but like a vanishing lady death took a chance on him and he turned to stone. His last words were: "So you win again". And so, another one hit the dust.

R. du Plessis

Wat in is en wat uit is

Vakansiehuis
Matriek in 2 jaar
Suid-Afrika
"French kiss"
Stroom-op
LO

In dinge:

Leerlingslisensie
Shaddap your face
Om Ruikers vir die meisies te neem tussen periodes
Die "tjok" lied
Aparte "sing songs"
"Two-step"
Bestuur sonder lisensie
TV
Elektroniese horlosies
Motorfiets
Meisies
Voorligting

Rugby
"Nee hoor" en "ja hoor"
Tradisie
Plate
10,6 vir die 100 m
Pine Nut

Uit dinge:

Wetenskap
Meisieskool se geesbeker
Onderwysers
Die son struikel
Disco
Mozart
Merchant of Venice
Menlopark
Dallas
Vaktore
Skoolhoofde
Overkruin
Latyn
St 6'e
Diëte
Studeer
Skool
Zimbabwe
Robert Mugabe
Jimmy Carter
Matriek in 1 jaar
SWAPO
Gé Korsten
Eksamen
Berigte skryf vir Stroom-op
Toetse
Debatte
Leierskursusse
Kadetperiode
'n Mercedes
Bakkies
Kleuterskool



The very distinguished judge sat down the dentist's chair: "Do you promise to pull the tooth, the whole tooth and nothing but the tooth".

Hoekom het Van der Merwe sy seun Secunda II genoem?
The "fool" of the future.



'n Fabel vir Hoërskoolkleuters

Lank, lank gelede in 'n klein dorpje ver, ver hiervandaan het nege inwoners gewoon wat al die ander inwoners geterriseer het. Hul leier was 'n padda wat eendag uit die moeras buite die dorp verskyn het en later die diktatoriese bewind oorgeneem het. Niemand het ooit daarin geslaag om hom van sy troon te verwyder nie en hy was 'n regte diktator.

Onder hom was ongeveer veertig tiranne waarvan 'n paar se name vir die nageslag bewaar gebly het. Die kwaaieste een van almal was 'n sigaar wat al die inwoners as sy broers in die verkleiningsvorm bestempel het, en op almal met 'n bulderende stem geskree het, gewoonlik vanaf 'n hoë uitkykpunt. Tweedens was daar 'n egpaar wat televisiesterre was voordat hulle besluit het om ook hul frustrasies op die inwoners van hierdie ongelukke dorpje te kom uithaal. Hulle name was Kat, soms ook genoem Karel, en Heks, soms met die minder paslike lieue voor haar naam.

Die dorp het ook sy eie swaar gehad wat gewoonlik met sy gereedskapskessie buite die dorp in die moeras gaan swem het. Die baksteen en die oog het albei 'n besondere musikale oor gehad en hulle het in die dorpje se kadet- en simfonieorkeste gespeel. Die een het altyd die swaan se gereedskap geteen terwyl die ander 'n liefhebber van die klassieke was en soos 'n bakstenerige Caesar gelyk het. Die baksteen se buurman, wie se naam deur die jare heen vergeet is, was ook 'n groot tiran wat lyfstraf toegedien het aan arme onskuldige inwoners van hierdie geteisterde dorpje.

Laastens was daar die grappas onder die tiranie en omdat hy taanlik rond was en altyd met balle gespeel het, het die inwoners hom Bal genoem. Hy het altyd die inwoners bevrees gemaak met sy puit humoristiese grappe wat altyd die stempel van verbeeldingrykheid gedra het.

Die belangrikste tiranie van die ongelukkigste dorpje in die wêreld-geskiedenis is nou net opgenoem en die storie is op skrif gestel sodat hierdie treurige tragedie vir die mensdom vir altyd behoue kan bly en mense in die toekoms 'n traan van medelye sal hê met die ongelukkige geteisterde inwoners van hierdie verlate dorpje wat hul lewens in tirannie en pyn moes slyt.

Man: "Dame, wat is die winkel se naam?"
Verkoopsdame: "Pick 'n Pay"
Man: "Oulike naam. Ek sal 'Pick' en jy moet 'Pay'"

Hoeveel het jy vir jou Afrikaans toets by Karel Kat gekry, Schulzie?
Twee hou!
Nee man, hoeveel persent?
Albei was persent, ek het nie vir hulle gevra nie.

Verhoudings...

Hierdie is 'n jaar van verhoudings (nee Marianne, ons bedoel nou nie Meekunde nie! Jy weet mos van beter). By Interhoër was die besondere gees duidelik. Die oorsprong daarvan?

Kom ons begin by die topklasse van A.H.M. en A.H.S. Sekerlik nie die LA-TYNklasse nie, hoor. Die oorsprong daarvan kan teruggevoer word na 'n onskuldige Valentynskaartjie en nêr so 'n onskuldige ruiker wat as bedanking word deur die matrieklatynklasse aan mekaar gestuur is. En die blondkoppe agter hierdie onskuldige gebaar? . . . Marianne en Doepies! Dit is seker niks minder as reg om dan ook met die hoofman te begin nie. Hy het al 'n lang en stemmige belangstelling in ander "hoë kringe" aan die kant van die straat (né Sonja!).

Ander faktore wat die "Goets Verhouding" positief beïnvloed, kan by Safety en

Amanda, Gawie en Annette, Ranian en Alex, Ester en Rolf, Ichte en Leon, gevind word.

Esprance spits haar deesdae toe op lengte (ja, man, ek bedoel lang dinge soos pale). Susan stem saam, 'n lang man maak haar knieë Malan, skies, ek bedoel maar lam!!!

Daar is natuurlik sogenaamde "helde" wat sekretarisses aanskak om hulle bewonderaarsklub te hantseer. Onder hulle tel (harte)brekers soos Gey, Mel, Marnus en (wakey-wakey . . .!) Maar-skalk (en o, ja, om Vaaltyn nie eers te noem nie!).

Nou is dit seker vir meer mense duidelik waarom daar so 'n pragverhouding tussen die twee skole - en veral die matriekklasse, heers

Dokter Smurf

TIPIESE SÊGOED






Mev Holtzhausen: "Hoofprefek, waar's die teenwoordigheidsprys?"
Mev Baardman: "Moenie jou TOD 7.8. huis toe neem nie!"
Mev Pienaar: "Julle maak net jolletjies. Gaa aan met julle werk."
Mev Hönck: "Nobody writes poetry about their husband and wives, only about their lovers."
Mev Craus: "Ek skiet julle vir 'n flik, LUMBRICUS in die hoofrol!"
Mev Nel: "Trek uit daardie oortrekkuit! Julle Matrieks is slap!"
Mev Bezuidenhout: "As jou vriend jou eendag Sun City toe vat, kyk 'n bietjie na die straalpatroon van die riviere."
Mev Hefer: "Meisies, jy trou net eenmaal, kies reg!"
Mev Bossert: "Lat hierdie juffrou vir jou nou in Afrikaans vertel: Wiskunde is mooi!"
Mev Hirschorn: "Nou, men...s...se, luister, luister...e...ek wag, mense! Ons kom by die tweede deel van Tsjeggo-Slowakye."
Mev Hartman: "Poppa, watter sommetjies skuld ek jou? Waan's jou opsominkie, hartjie?"
Mev Bierman: "Ladies, the last period is always so short."
Mev De Waal: "Oh, those gorgeous boys in Pietersburg, boy! (Pity they are too young.)"
Mev Scholtz: "Please buy your own broom!"
Hoekom lyk julle so kwaai. Is julle kwaad vir my?"
Mev Randall: "Mense, ons is agter! Hoekom is die klas nie uitgegee nie!"
Mev Louw: "Ek wil julle nie uitvang nie, ek wil hê julle moet vir my kom sê! Wat van Koki Versveld?"
Mev Visser: "Nou goed, wie het wêl Caesar gedoen?"
Matriek: "Ek hoop nie al die onnies het die ambisie om 'n geakrediteerde onnie te word nie! Aai, aii!"

Vir iets buitengewoons kom na

ZOET

by

New Muckleneuk Centre
Bronkhorst Street
New Muckleneuk
PRETORIA 0001
Tel: 46-8777



SPORTMAN VAN DIE DIE TERMYN

SKERM '81

Alex Thomson



Op 15 Augustus 1963 is Alex Thomson in Suid-Afrika se diamanstad, Kimberley, gebore.

Reeds op 'n vroeë ouderdom het hy na Pretoria verhuis, waar hy in 1970 na die Laerskool Oost-Eind is. Alhoewel hy reeds vanaf graad een aan atletiek deelneem, het Alex eers in st 3 begin om oorwinnings te behaal. Die hoogtepunt van sy laerskoolloopbaan was beslis toe hy die 80m Seuns O/13 op interlaer met 'n puik tyd van 10,3 sek gewen het.

Gedurende 1980 het Alex se talent na vore gekom toe hy op 'n byeenkoms te Overkruin 'n tyd van 10,9 sek oor die 100m vir Seuns O/17 gehardloop het.

Gedurende die winterseisoen van 1980, het Alex egter rugby gespeel en het hy eers in Januarie 1981 sy aandag weer aan atletiek begin wy.

Afgesien van al sy ander aktiwiteite het hy nogtans puik presteer in die

100m en 200m vir seuns O/19.

Sy beste tye vir die seisoen lyk soos volg:

- 1) 100 meter, grasbaan, handtyd — 10,6 sek.
- 2) 200 meter, grasbaan, handtyd — 21,5 sek.
- 3) 100 meter, tartan, elektronies — 10,81 sek.
- 4) 200 meter, tartan, elektronies — 21,61 sek.

Volgens Alex, was die grootste oomblik van sy loopbaan beslis sy oorwinning oor Van Vuuren te Overkruin en op dieselfde dag die

oorwinning van AHS se O/19 seuns in die Administrateursbeker kompetisie.

Alex se verkiesing tot die Noord-Transvaalse atletiekspan is nie net vir hom nie, maar ook vir Affies 'n groot eer. Dit bied ook aan hom die ideale geleentheid om sy reeds puik tye nader te bring aan die SA-rekord.

Aan Alex, alle sterkte met die toekoms — gaan voort — dra Affies se naam hoog.

Baie geluk!

Krieket

Die Krieket van die Afrikaanse Hoër Seunskool staan die jaar op die drumpel van 'n groot sukses. Die belangstelling deur die Affies en die goeie opkoms na die krieketoefeninge lyk ontsettend belovend.

Skyfskiet 1981

Skyfskiet is 'n baie gesogte sportsoort by ons skool. Die skietbaan is nou vergroot van 6 na 18 skietgate. Tydens kadetperiode kry elke peloton die geleentheid om sy skietvernuw te toon. In die verlede kon beide die spanne nie hoë hoogtes bereik nie, omdat nuwe gewere aan ons uitgereik was. Daar was ook maar weinig kans vir oefening.

Vir die jaar 1981 word groot dinge voorspel. Die skuts raak nou gewoon aan die gewere en die juniors toon veral groot belangstelling.

Sterkte vir 1981!

Ons het al 'n paar krieketwedstryde gespeel, en die uitslae was oor die algemeen oortuigende oorwinnings. Party van die wedstryde het prag krieket opgelewer en dit is te danke aan mnr Hennie van Huysteen se puik afrigting en toegewydheid en ons wil hom al by voorbaat daarvoor bedank.

Ons sien uit na die krieketseisoen later in die jaar en ons verwag dat daar prag krieket gespeel gaan word en dat die krieket vele verrassing vir die Affies en die publiek gaan inhou!

GHOLF

Vanjaar, in samewerking met Johannesburgse skole, is 'n skoleliga gestig waar in Affies 'n span van ses ingeskryf het. Die span bestaan uit: Frans te Groen, Martin te Groen, Marcell van der Walt, Gertjie Hugo, Jannie Jonck en Jaco Roestoff.

Ons neem vanjaar weer deel aan die Allied toernooi waarin ons die afgelope twee jaar so goed gevaar het. Ons wil graag vir Frans en Martins te Groen gelukwens met hul verkiesing as kaptein en sekretaris onderskeidelik. Met so 'n span is dit 'n voldonge feit dat 1981 'n suksesvolle gholffjaar sal wees en Menlopark weer op hul plek gesit sal word.

AFFIES VS GREYKOLLEGE

Nog 'n segetog na Grey

Die jaarlikse mededinging teen Grey Kollege van Bloemfontein (om so ook ons vriendskapsbande te versterk en die lig van Affies uit te dra) is soos vantevore op 'n hoë noot begin en op 'n nog hoër noot afgesluit.

Die lang pad is verwyd met sing en lag. O ja! Dan was daar ook nog mnr Simpson en Brooks wat aan hul leerlinge demonstree het wat laatnagte aan 'n mens se kaartspel doen — miskien meer geslepenheid as 'n verbetering. So het hulle 'n hele paar van ons 'n goeie les of twee geleer. Mel se snuifblikkie was 'n onmisbare toevoeging tot die joligheid.

In Bloemfontein is ons met ope arms ontvang. Iets wat 'n indruk op ons gelaat het, is die gasvryheid van die mense daar op die Vrystaatse vlaktes wat vanjaar lowergroen is.

Die volgende dag is ons dou voor dag uit die vere. Ons was toe al baie lus vir die bekvelders aan wie se demoraliserende praatjies (soos hulle gedink het; ons het meegevoel met hulle onkunde) ons blootgestel was. Sommige van ons het 'n laat nag gehad en dit het gelyk asof die Greymanne ons blykbaar op so 'n slinkse wyse buite aksie wou stel.

Om ons goeie weerbaarheid te bewys, gee ek die uitslae waaroor ons die middag gedagtes oor die etenstafel gewissel het. Die tennis het met 25 wedstryde teenoor twee gewen; die golf het 2½ - 1½ gewen. Die skaak het vyf elk gelykop geëindig, maar in die swem het ons die onderspit gedelf.

Ongetwyfeld was die uitslae nie so belangrik nie, maar die gees waarin alles plaasgevind het, was bo alle twyfel die wenner.

Ons sê dankie vir ons ouers en onderwysers wat dit moontlik gemaak het, maar bowenal dank ons God wat die gewer is van alle gewes.

'n Waardebepaling van Affies se rugbykrag

By Affies is dit nou maar eenmaal so, dat die geslaagdheid van 'n jaar, gemeet word aan die prestasies op die rugbyveld. Met die doel, om 'n span saam te stel wat die Administrateursbeker in 1981 na sy regmatige tuiste te bring, is daar op 9 Maart grootskaalse proewe op Loftus gehou.

Van twee-uur af, het die manne begin opdaag. Terwyl die proefspanne uitgelees is, het die spanning begin toeneem. Twaalf proefspanne, 180

rugbyspelers, het in die wedstryde wat gevolg het, hulle harte uitgespeel om die een of ander afrigter se oog te vang.


Nou, na die tweede reeks proefwedstryde en die ergste seer al vergete, kan ons nou al 'n redelike mate bepaal wat hierdie jaar op die rugbyveld gaan gebeur.

Die gees onder die rugbyspelers is puik; die moed, welskrag en deursettingsvermoë is daar, maar wat van die geestelike toestand van dié spelers? Is elkeen van ons bereid om ons mede-speler aan te moedig en hom die nodige vertroue te gee wat hy beslis gaan benodig die dag as Affies in die Administrateursbekerfinale speel?

Affies is vanjaar in die bevoorregte posisie dat sy pak voorspelers van uitstaande gehalte is. Met Stoffel en Brink aan die voorpunt gaan hierdie agt menige span platvee. Affies het 'n briljante skakelpaar, en volgens my, sal dié twee, nl Chris en Alex die kern van die span uitmaak. Die res van die agterlyn is werklik van puik gehalte, met miskien net 'n brobleem op heelerter.

Met alles in ag geneem, dink ek dat 1981, net soos 1978 weer eens sal bewys dat Affies die werklike rugbykrag in Transvaal is.

Sport



WATER-POLO

Wanneer daar gepraat word van sportsoorte wat minder belangrik geag word en waarteen gediskrimineer word, kan waterpolo altyd genoem word. By Affies is dit 'n sport wat besig is om uit te sterf. 'n Sport waarin Affies eens op 'n tyd die sterkste in Pretoria was. Nou is Boys High, ons grootste vyande en Clapham die sterkste skole in waterpolo in Pretoria. Selfs die "skooltjie" oor die bult, Menlopark, is sterker as Affies in waterpolo. "Wat veroorsaak hierdie tendens?" kan 'n mens jou seker afvra. Hierop is slegs een antwoord, en dit is belangstelling.

Wanneer daar geen onderwyser is wat Waterpolo aanbied op Affies nie kan 'n mens nie verwag dat Affies se Waterpolo van gehalte moet wees nie want almal wat wil speel, moet dan by klubs soos Hillcrest of Harlequins aansluit. Vanjaar moes Affies Grey Kollege aandurf met 'n span leke en die telling 10-1 teen ons

getuig daarvan. As daar nie binnekort iets gedoen word nie, gaan hierdie sportsoort by Affies wat as 'n gebalanseerde skool wat alles betref beskou word, uitsterf.

Asseblief, moenie passief wees nie, wees behulpsaam en help hierdie edel sportsoort om weer sy regmatige plek in te neem.

Menlopark is goed

Wil julle BETER wees?

Kom oefen saam met baie ander Affies om superfiks vir enige sportsoort te word

SYNNYSIDE SYM

Esselenstraat, oorkant Martin Jonker Motors

Tel: 44-5344

SLIGS R9.00 pm